


0894.5
0140E

說帖

書命比強大學
中文圖書館旁



宗

福建司奉嘉慶二十一年分卷一

大人交核福建省題余得盛勒死卓林氏一案職等
查此案余得盛因伊母藍氏主婚將孀姪婦林氏改
嫁與卓化雲為妻嗣藍氏往卓化雲家坐索尾欠財
禮卓化雲之母吳氏及林氏無銀給還均即外出藍
氏生氣乘間自縊身死吳氏畏懼將藍氏屍身移至
山內埋藏該犯趕赴查詢林氏捏稱藍氏已回該犯
不依將林氏帶回跟問伊母下落並將其兩手用繩
繩住林氏始稱藍氏在家自縊移屍山上不知埋藏

鈞

何處復向盤詰林氏撒發混罵該犯忿恨起意殺死
用繩纏繞其項頸拉勒致斃該省將該犯依故殺律
擬斬監候查林氏寔係余得盛懷忿有心勒斃自應
照故殺定擬至伊母蓋氏自縊身死係因索取財禮
無給短見輕生與父毋為人所殺而子孫擅殺行兇
之人不同該省引斷尚無錯誤似應照覆伏候
定

崇

四川司奉

大人交核四川省題趙允信勒斃縱姦本夫馮漢又
唐仲道謀殺縱姦本夫黃元芳身死二案職等查趙
允信係因與馮漢之妻劉氏通姦馮漢利資縱容該
犯因屢被馮漢借錢纏擾不休無錢生氣隨將馮漢
勒斃唐仲道係與黃元芳之妻林氏通姦黃元芳利
資縱容嗣黃元芳向唐仲道借錢無給即斥伊無情
不許與林氏行姦唐仲道忿恨隨用鋤頭木柄將黃
元芳毆斃是該二犯均係謀殺縱姦本夫姦婦並不


知情該省將趙允信唐仲道均依謀殺縱姦本夫例斬候與例相符至此等不知情之姦婦與謀殺並未縱容本夫案內之姦婦不同按例應依仍縱姦本條科斷並無分別當時喊救事後首告及是否懲姦忘仇之文該省以趙允信案內之姦夫劉氏事後並未再與姦夫姦宿仍照縱姦本律擬杖係屬按例辦理其唐仲道案內之姦婦林氏于伊夫被殺後因被嚇阻並不報官復與姦宿該省援照嘉慶七年張陳氏舊案照姦婦不知情絞律上減一等寔發駐防為奴

鈞

既有成案可循亦只可照覆仍候
定

四川司

趙允信



四川司奉

韓

大人交核四川省題袁子超毆傷張家良身死一案
奉

批

在堂則依服制身故竟同凡論不知有何依據若以
甥犯舅如其母已故亦得以凡論乎似未允協此稿
文館速核等因職等查親屬殺傷之案悉視服制為
輕重母党之服有三曰外祖父母曰母之昆弟曰從
母服皆均載小功其中有名稱同而寔不同者如嫡
母繼母所後母本生母等項党屬舊例論之未詳攷

旨修改

欽定議

當遵

之戴記母出則為繼母之党服母死則為其母之党
服為其母之党服則不為繼母之党服是繼母之党
必因親母出而後有服明外氏亦無二統也迨乾隆
二十一年始定母党有犯除親母嫡母本生母党屬
仍照服制定擬外其餘均同凡論一條即在堂繼母
党屬亦在凡論之例矣四十二年復奉

禮義疏以在堂繼母之父母庶子嫡母在為嫡母之
父母庶子為在堂繼母之父母庶子不為父後者為

已母之父母為人後者為所後母之父母五項均與
親母之父母同其母之兄弟姊妹服制亦同本生母
之親屬降服一等有犯於親母之父母照毆期親尊
屬律於繼母等項父母照毆本宗小功尊屬律於各
項甥舅俱照外姻尊卑長幼各本律並於服制首小
功五月為外祖父母條下添叙為在堂繼母之父母
等六項母黨親屬義報服制將二十一年纂定之例
刪除是舊律繼母之黨無服今例則有服獨是例內
母黨服制多端何獨於繼母上冠以在堂二字禮從

欽定義

服者所從亡則已又妻子為君母之父母從母服小
功傳曰君母在則不敢不從服君母不在則不服此
即律內在堂二字之義所自祖恭請

疏有云已母出則服繼母之党如繼多則服在堂繼
母之党服其所從也此則律內在堂繼母之文所自
始義疏所載服在堂繼母之党亦以親母既出所尊
統以繼母故也至四十二年奉

旨改例

時部議以近時出妻繼娶者少妻亡繼娶者多始將
母出為繼母之父母改為在堂繼母之父母今律因

之則不論母出與母故如繼母在即為其党服猶之
庶子為嫡母之党亦以嫡母之存否定服制之有無
猶是尊無二統之意也言在堂則繼母不在不為其
党服明矣即以繼母之党有犯如繼母不在不應以
服制論亦明矣此案袁子超係已死張家良繼母袁
氏之弟袁氏已不在堂該犯與死者名雖甥舅而於
禮則無服如該犯被張家良毆斃即不得以毆死外
姻小功尊屬論今該犯將張家良毆傷身死自不應
科以毆死外姻小功卑幼之罪該省將該犯依鬥殺

鈞

定

律
絞
候
與
律
相
符
應
請
照
覆
恭
候

是
時
館

四川司奉

崇

大人交核四川省題王和尚拒傷餘丁蔣英身死一
案職等查此案王和尚因素好之竊匪彭家七被捕
後任金貴等查拏聽從彭家七幫同拒捕任金貴等倉
惶跑避致將竊票遺失被彭家七檢獲任金貴因李
正清與王和尚等居住相近許給錢文囑令幫同查
拏令將緝票騙回李正清隨假向王和尚等道及貧
難商同假充差役詐錢分用王和尚等應允李正清
教言必須捏造差票方能騙人彭家七即將所拾差

票交給李正清誑令王和尚等在彼等候自往邀人
幫拏王和尚等知覺與彭家七分路逃跑該縣外委程
魁帶同兵丁蔣英追捕扭住王和尚衣服王和尚情
急順用身帶尖刀嚇戮蔣英胸膛等處殞命查王和
尚並非同案竊匪其聽從假差詐錢係被李正清向
騙所致因先曾聽從竊賊拒捕嗣被兵丁蔣英查拏
因而拒斃故該省科以拒殺捕人之條查核例案尚
屬允協應請照覆是否仍候

鈞

定

雲南司奉

韓

大人交核雲南省題李小老等行劫刁國選家一案
奉

批

情有可原年僅十五之被脅夥盜楊小三是否應行
刺字即行交館查明等因職等查情有可原年僅十
五之被脅夥盜從前係照免死減等例擬流仍准收
贖迨乾隆四年纂為定例改為不准收贖其應否刺
字例無明文惟查全纂內載強盜情輕擬流之犯毋
庸先行刺字定案發配仍於左面刺強盜二字似係

鈞

統指強盜案內擬流人犯而言復檢查乾隆五十三年廣東省題盜犯陳亞邊年僅十四被脅隨行上盜照例擬流不准收贖原題蔽明照例刺字等因遵行在案此案楊小三一犯似應將從前成案蔽明刺強盜二字再查例載免死發遣盜犯定案時應蔽明免死減等字樣今案內馬老四趙小四二犯俱係情有可原發遣新疆似應於後尾出罪處照例添叙免死減等四字以便將來脫逃時有所稽考是否如斯恭候定後交司遵辦

崇

四川司奉

大人交核四川省題任德潮毆傷任宋元身死一案
職等查親屬相盜之案應按服制照凡盜減等科斷
如有殺傷者律稱各以殺傷尊長卑幼本律從重論
例內則稱尊長犯卑幼各就服制中殺傷卑幼及親
屬相盜各本律相比從其重者論卑幼犯尊長以凡
盜殺傷之罪與服制殺傷之罪從其重者論律例所
云殺傷均係指為盜拒捕者言若事主殺傷行竊之
尊長卑幼律例內均無明文在卑幼犯尊長仍應依殺

傷尊長本律按服制科罪如事主係尊長殺傷行竊卑幼向亦照服制科罪惟歷來辦理此等案件有嚴明毆死卑幼與擅殺罪人同一絞候從一科斷仍照毆死卑幼本律辦理者亦有竟照擅殺罪人定擬者細思俱未允協例內犯竊尊長殺傷被竊卑幼不以尋常罪人拒捕論焉有被竊尊長殺傷犯竊卑幼反以尋常擅殺論之理檢查集註內載事主殺傷卑幼服制罪輕依服制服制罪重依殺盜此論得之今四川省任德潮一犯因總麻服弟任宋元行竊小功

堂叔家牛隻變賣經事主贖回旋向索贖牛錢文任
宋元不允欲跪該犯帶同拴縛將其混毆斃命該犯
與死者均係事主堂侄該省仍將該犯依服制科罪
並不教明與擅殺罪名相等從一科斷之語甚為妥
協惟稿內引親屬相盜殺傷例文係尊長犯竊拒殺
事主之例並所引擅殺罪人一條俱應即刪再出語
內應添數句以昭明晰謹粘貼浮簽呈

閱

恭候

鈞

定

卷之四
明倫彙編

四川司奉

韓

大人交核四川省咨潘懷年娶大功兄妻唐氏為妻
一案並奉

彭

大人批嫁娶違律律應罪坐主婚此案該氏之改嫁
由於本夫賣休自應比例罪坐本夫為是等因職等
查律載嫁娶違律若由祖父母父母主婚者違例之
罪獨坐主婚男女不坐餘親主婚者事由主婚主婚
為首男女為從至死者主婚人並減一等等語是律
內違律主婚分別治罪係專指祖父母父母及期功

以下尊長而言並未議及本夫者誠以本夫賣休律
有明禁自不應有本夫主婚之例此案潘懷全因病
將妻唐氏嫁與大功弟潘懷年為妻雖該氏之改嫁
由於本夫賣休惟律內娶大功親之妻各以姦論即
應各科姦罪該省將潘懷年依姦總麻以上親之妻
例發附近充軍唐氏依律擬以滿徒均與律例相符
至潘懷全起意將妻嫁賣于大功弟致伊妻伊弟均
干內亂之罪未便僅照尋常賣休本律擬杖律內又
無賣休與親屬作何治罪專條查縱姦本律本夫應

與本婦姦夫同罪又教誘人犯法亦應與犯同罪今
案內買休之潘懷年及改嫁之唐氏既律以姦論則
潘懷全一犯即應與本婦姦夫同罪惟姦夫功親之
妻律內姦夫姦婦各杖一百徒三年例內始將姦夫
改發附近充軍本夫潘懷全自應仍照律與同徒罪
應請將潘懷全改擬杖一百徒三年較為允協是否
有當恭候

鈞

定後交司遵辦

三
峰
記

浙江司奉

各堂大人交核浙江司議覆陝撫咨拏獲逃軍李河四一案職等查充軍常犯到配脫逃按五軍之數以次遞加一等調發至新疆而至此例載在徒流人逃門內至從前新疆條款改發內地人犯如竊盜滿貫三犯擬絞秋審緩決一次並三次犯竊計贓五十兩以上至三十兩並三十兩以下至十兩等十四條均係原發新疆之犯嗣因新疆遣犯過多奏准將前項人犯停發新疆仍改回內地各照本例改定地方充發

如有逃脫從前原例係照新疆遣犯逃脫例一体正
法迨嘉慶三年本部以此項人犯本罪原止軍流未
便照外遣人犯一例辦理但究係由外遣改回之犯
因與充軍常犯有別定議如有在配在逃逃加二
等調發另立專條載在名例徒流遷徙門內以示區
別此案李河四條竊盜三犯計贓三十兩以下十兩
以上擬邊遠充軍在停發新疆改發內地之例該犯
初次逃脫按停發新疆人犯逃脫加二等調發例即
應改發極邊烟瘴該省前將該犯援照充軍常犯逃

鈞

逃加一等例改發極邊充軍本屬錯悞茲該犯復由
極邊軍脫逃仍應按例加二等惟罪已至新疆無可
復加今該省將該犯改發新疆酌撥種地當差與例
相符應請照覆恭候
定

2

2
2
2

陝西司奉

韓

大人交核陝西省各官犯劉晉懇請納贖一案職等
檢查舊例內載文武官革職有餘罪及革職後另犯
笞杖徒流雜犯死罪俱照有力納贖無力的決發落
其貪贍官役概不准納贖迨嘉慶六年本部纂定例
文凡文武官員罪本素革職其笞杖輕罪無庸納贖
革職復另犯徒流軍遣依例發配有呈請贖罪者刑
部核其情節奏明請
旨定奪其貪贍官役概不准納贖等語並於進呈

黃

冊內載明文武官犯流徒雜犯死罪照有力納贖之處係屬舊例業已不用各等語是文武官犯軍流徒罪有呈請贖罪者自應奏明請

旨

經遵辦在案至例內貪贓官役不准納贖之語係指笞杖輕罪例准納贖而言非謂徒流以上不因貪贓獲罪者一概准其納贖也此案官犯劉晉係依違律加誣告三等擬徒例不准其納贖該撫既稱應照捐贖銀數奏明請

制

旨

人稱犯徒流軍遣非罪因貪贓仍准納贖既與定例不

昔人稱犯徒流軍遣非罪因貪贓仍准納贖既與定例不

符措詞亦自相矛盾該司剖析例義議駁尚屬允當
應請照辦仍候

鈞
定

陝西司

劉
晉

建
壩
記

彭

四川司奉

大人交核四川省題楊金印毆死余德廣一案職等
查此案楊金印與伊母趙氏並王老七一同赴廟還
願有素識之余德廣見趙氏裝扮齊整教言不似正
經婦人趙氏等聽聞不依斥罵其非余德廣回詈撲
毆趙氏將其髮辮扭落一綰王老七毆傷余德廣左
右太陽余德廣用板凳向趙氏毆打楊金印情急救
護用刀戳傷余德廣肚腹殞命該省將楊金印依擅
殺律擬以絞候趙氏依毆傷罪人例非折傷勿論等

因查向來辦理擅殺之案必死者寔係姦盜及訛詐棍徒以及蓄姦調姦各項匪犯致被應捕之人殺死始照擅殺擬斷定例分明不容稍事牽合此案死者出言向該犯之母取笑該犯不肯忍受理所當然惟死者究係一時口角輕薄與有心蓄姦調姦不同既據該督訊明並無別情則死者不得為罪人該犯即不得為擅殺該督將該犯照擅殺罪人律定擬係屬錯誤該司擬改照共毆本律科斷情罪相符似可照辦是否仍候 鈞定

辨是否仍候鈞定

陝西司奉

彭

大人交核陝西省題李有義強搶陳杜氏姦污一案奉

批

交館查例內素有水葛之家句應否刪用等因職等查搶奪婦女之案定例必素有水葛者方以曾否媒說分別定罪如素無水葛即先經媒說未允亦應按例斬決前年本部纂例時因各省往往節刪比附開脫搶犯重罪曾於進呈

黃

冊內散明添纂無論曾否媒說小註一句奏准遵行

陝西司

李有義

今該撫以素無水葛搶奪婦女之案節刪例內素有
水葛一句率引先經媒說之條將例應斬決之李有
義擬以絞候殊屬錯誤至該犯所糾之李跟勞等三
人雖係哄誘同行惟糾夥已在三人以上不得謂
非聚眾在被誘之人固可依例減等而該犯則自有
聚眾夥搶本條未便曲為開脫似應擬駁謹另擬稿
尾呈

閱

是否恭候

鈞

定

查例載聚衆夥謀搶奪路行婦女或賣或自為妻妾
及被姦污者並聚衆夥謀於素無水葛之家入室搶
奪婦女無論曾否媒說為首斬立決為從皆絞監候
若於素有水葛之家先經媒說未允因而糾衆強搶
者仍按強奪姦占已未成本律例科斷又律載強奪
良家妻女姦占為妻妾者絞監候各等語是媒娶婦
女未允因而聚衆搶奪之案必係素有水葛者方與
縲首其素無水葛者仍應按糾搶本例分別首從定

罪誠恐先徒親覩良家婦女意欲強搶故令人前往
說媒明知其必不允從然後糾衆搶奪到案時得以
藉詞避就殊非戢暴安良之道臣部前因各省以例
內有先經媒說之條往往節刪素有水葛之句曲為
援引以致搶案頻聞曾於上屆纂例時奏明於例內
素無水葛下註明無論曾否媒說字樣纂入例冊遵
行定例判然難容牽混此素李有義與杜氏素無水
葛因杜氏夫故欲求娶為妻央人媒說未允旋聞杜
氏許嫁趙玉起意搶奪邀李跟勞等同往見杜氏在

氏許嫁趙玉起意搶奪邀李跟勞等同往見杜氏在

故夫收前燒紙李有義等將杜氏搶回姦污查杜氏
往夫收燒紙即係路行婦女該犯將素無水葛之杜
氏搶奪已成例應不問曾否媒說均以搶奪路行婦
女論其糾邀李跟勞等同往已在三人以上焉得謂
非聚衆且李跟勞等均非卑幼無知何致全被李有
義誑誘所稱被誘隨行之處難保非串飾狡卸就令
所供屬寔而該犯之意在糾奪夥衆逞強不得以從
犯係被誘隨行即寬首犯斬首之罪自應各依本例
科斷今該撫以素無水葛聚衆搶奪路行婦女之案

牽引素有水葛先經媒說未允之例復節刪例內素有水葛一句強應附合將李有義照以絞候殊與定例不符罪名出入攸關臣部未便率覆應令該撫提犯研鞠寔情另行按例擬具題列日再議

浙江司奉

彭韓

大人交核浙江省咨陳二糾竊事主張如山等家一案奉

批

與竊盜三犯贓至五十兩以上例比核等因職等查
此案陳二先經犯竊擬徒刺面枷責留養嗣該犯復
因行竊擬徒在配脫逃商同陳含隴行竊三次內事
主張如山張王氏家二案計贓五十兩以上同時并
發是陳二一犯雖犯竊已至三次贓在五十兩以上
惟係徒犯在逃復竊贓未滿貫自應依徒犯在配行

堂

竊本例定擬前經本部於嘉慶十八年通行各省書
一遵辦現在福建司於該省請示稿內復經聲明前
次通行呈

閱畫咨覆該撫在案今該省將陳二依尋常竊盜問
擬徒罪在進行竊贓未滿貫至三次者照積匪猾賊
例改發雲貴兩廣極邊烟瘴充軍核與定例及本部
通行相符其陳含隴一犯係初犯夥竊三次同時并
發應計贓從其重者論該省依竊盜贓五十兩杖六
十徒一年為從減一等律擬杖一百亦屬允協應請

十徒一年為從減一等律擬杖一百亦屬允協應請

鈞

照覆恭候
定

浙江司

陳二

韓

直隸司奉

大人交核直隸省咨李三等行竊李連等家一案並
教明回民行竊罪應遣戍作何刺字咨請示覆等因
職等查行竊之民人回民均應分別初犯再犯三犯
於臂面刺竊盜竊賊字樣以憑稽考如回民犯竊罪
應遣戍自應按例於面上刺竊賊及改發二字本有
定例可循並非無所區別該省並未詳細檢查率請
部示係屬拘泥該司分晰例文咨覆甚屬允當應請
照辦是否仍候

鈞

定

明
符

韓

浙江司奉

大人交核浙江省咨翁六狗黑夜毆死竊賊嚴錫幅一案職等查竊盜殺傷之案總視其人之是否寔犯竊盜與准竊盜為斷寔犯竊盜者竊盜之罪重則拒捕之罪亦重准竊盜者竊盜之罪輕故拒捕之罪亦輕竊盜拒捕之罪重則事主殺傷之罪即可從輕竊盜拒捕之罪輕則事主殺傷之罪不得不重情有區分故罪有差等如盜田野穀麥蔬果等類為物甚微擅食者律以坐贓論止徒一年盜者律亦准竊盜論

免判有拒捕依罪人拒捕另立盜田野穀麥一門不
與竊盜同例此等賊犯如拒捕刃傷事主只應於本
罪上加二等即臨時盜所拒殺事主亦只照罪人殺
所捕人律斬候不與寔犯竊盜同科斬決絞候反是
而推則事主捕殺盜殺麥蔬果之賊即應無論是否
登時概照擅殺罪人例絞候方為平允惟夜無故入
人家門內例載事主殺賊二條一言黑夜偷竊而不
及穀麥蔬果一言曠野白日盜田園穀麥等類而不
及黑夜歷來遇有黑夜盜田園穀麥蔬果被事主捕

及黑夜應來遇有黑夜盜田園穀麥蔬果被事主捕

殺之案悉牽引黑夜偷竊之例以是否登時分別徒
絞竟有盜一穗一果之微因其殺在登時即與殺死
寔犯竊盜之人同擬城旦辦理殊未允協第例無明
條檢查成案尚多畫一竟難忽議更張此案翁六狗
因嚴錫幅於三更時竊伊牆外樹梨該犯出見趕捕
登時棍毆斃命該省將該犯依賊犯黑夜偷竊登時
毆打致死例擬徒似亦只可照覆是否如斯恭候
鈞定

100

100

彭

批

奉天司奉

大人交核奉天司議覆吉林將軍咨高玉幅等聽從
逸犯叢湧利誣竊拷死楊潮棟一案奉

誣良拷斃人命例依故殺應否以下手傷重之人擬
抵抑係起意妄拏者當其重罪交館查核再畫等因
職等查例載誣良為竊因而拷打致死者照故殺律
擬斬監候又凡將良民誣指為竊捉拏拷打嚇詐財
物除寔犯死罪外其餘不分首從俱發邊遠充軍各
等語此案在逃散役叢湧利商乞已獲之高玉幅白

奉天司

高玉幅

王張大魁捏稱緝賊一路通行與素識在逃之鄭佩環李姓逢過鄭珮環因在屯觀劇時見楊潮棟在彼面生可疑恐係竊匪向叢泳利告知囑令往看叢泳利帶同鄭珮環李姓並白玉等趨往查詢楊潮棟等稱未為匪叢泳利因其語言支吾帶至歇店令其跪地追問楊潮棟未肯承認叢泳利主令高玉幅等將楊潮幅按倒叢泳利與鄭珮環各用木條打傷其兩腿小腹等處殞命是楊朝棟之被拏固由鄭珮環告知惟鄭珮環確疑楊潮棟為竊匪又以叢泳利告以

知惟鄭佩環確疑楊潮棟為竊匪又以叢永利告以

緝賊是以囑令往看並非有心誣竊亦未起意妄拏
惟叢永利既捏稱緝賊於前復妄拏逼認主令拷打
於後自應以主使之叢湧利為首擬抵該將軍審將
在逃之叢湧利依誣竊拷打致死例擬斬監候尚屬
允協至現獲之高玉幅白玉張大魁三名並未獲之
鄭珮環李姓二名聽從誣竊拷打即楊潮棟並未致
死該犯等按例已應不分首從發邊遠充軍焉有被
拷之人已因傷斃命該犯等轉得減等擬流之理該
將軍以高玉幅等為從遽予減等寔屬錯誤自應更

鈞

正再此案首夥六名已獲夥犯三名檢查原咨人係
先後拿獲例應將高玉幅等先決從罪毋庸監候待
贖該將軍請將高玉幅一犯監候待贖半年固屬錯
誤即該司改議監候待贖十年限滿再行辦理亦與
例不符應請一併改正是否恭候
定後交司遵辦

河南司奉

韓

大人交核河南省咨罪應斬梟之王庭臣病故一案
奉

批

近來罪干斬梟之案尤犯監斃應否戮屍各省辦理
不一應交館酌量以後辦理此等案件某項應戮屍某
項不應戮屍核定章程以歸畫一等因職等查律載
謀殺祖父母父母及期親尊長外祖父母夫夫之祖
父母父母已殺者皆凌遲處死註云監故在獄者仍
戮其屍又例載殺一家非死罪三人及支解人為首

監故者仍到碎死屍梟首示衆各等語誠以尋常斬決斬候又犯於未經到官之先及在監在途因病身故者均以已死免議即屬法外之仁惟謀殺祖父父母律註云監故在獄仍戮其屍律文混約言在獄則在逃在途俱色舉在內言戮屍則判屍亦隱刮其中至殺一家三人例中復申折言之云為首監故者仍判碎死屍梟首示衆緣律文無梟示之條故例中以監故者判屍梟首舉隅則本條已正法者應一體梟示不言可知律文無判戮之別故於凌遲者增言

梟示不言可知律文無判戮之別故於凌遲者增言

判屍則凡係斬梟者仍應戮屍亦不言可知其凌遲
罪名重於斬決而例內所載應梟示各條斬決較凌
遲轉多者磔斬所以懲既往而梟示所以警將來凌
遲之判屍者皆係倫紀名分攸關及殘忍無復人理
者罪干逆惡不道寔覆載所不容未便以先伏冥誅
倖逃憲典因本身所犯罪重不得以身故免議也斬
梟之戮屍者多係強盜棍匪各條聚衆逞兇欺良藐
法罪不獨在一身害亦不獨在一人又一事或在原
犯地方或傳示各處揭竿懸首觸目警心所以抑強

戢暴化頑醒愚非於本身之身加罪名寔於所犯之
罪申嚴禁故例意重在示衆亦不得以身故免議也職
等通查上年各司題咨案件均釁明照例判屍戮屍
梟首字樣其未經釁明者本部核覆時仍各飭令照
例辦理惟河南省凌遲人犯餘國俊斬梟人犯孫二
麻湖北省斬梟人犯劉添佑雲南省斬梟人犯羅撒
四案原揭帖及咨覆稿內均未釁明辦理未為盡一
應請

飭

示傳知各司嗣後題咨稿內遇有凌遲斬梟人犯監斃

飭示傳知各司嗣後題咨稿內遇有凌遲斬梟人犯監斃

之案查明係斬梟人犯應戮屍梟示係凌遲人犯應
剉屍示衆至梟示者如外省遺漏釁明應於本部核
覆時照例添叙明晰行令遵辦以昭畫一而免歧誤
此案王庭臣係謀殺人而誤殺一家三命擬以斬梟
之犯今在監病故該省未經釁明戮屍梟示係屬遺
漏應請
司添改是否有當恭候
鈞定

卷之四

卷之四

奉天司奉

大人交核奉天司議覆

韓 盛

京刑部題侯六戩傷鄭幅身死一案職等查應捕人
被賊拒殺之案如事已寢息復因挾制起衅以致
毆斃命不得以罪人殺所捕人論此案侯六偷竊事
主李小黑地內高梁被事主及地隣鄭幅等訪獲議
罰而息次早鄭幅復糾人持械登門喚出該犯欲行
綁縛致相爭毆該犯因被乱毆多傷情急圖脫拔刀
抵戩致傷鄭幅殞命是竊情案已寢息死者事後復

鈞

定

登門肇衅未便科該犯以殺所捕人之條自應按尋
常門殺定擬檢查十九年該省馬三一案亦係行竊
高梁被受雇看守之張觀等尋獲議定罰錢該犯希
首少罰往央伊兄代為央懇伊兄旋因口角爭毆該
犯幫挈棒毆張觀致斃依凡鬥擬絞題結此案與馬
三案相同該侍郎率照罪人拒捕殺人律擬以斬候與
例未符該司駁令另擬尚屬允協應請照辦恭候

河南司奉

崇

鈞閱

大人交核湖北省盜犯張喜等行劫黃修煥家錢文
一案職等查案內疑賊誤戮黃尊山斃命之黃尊模
一犯按例罪應縲首今該省置疑賊致斃人命本例
於不論而比引捕役拏賊誤殺無干之人照過失殺
律追銀收贖寔屬錯誤自應擬駁謹另擬駁尾呈
是否恭候
定

該撫疏稱黃尊模因族人黃尊山家被盜行劫經黃尊山胞叔黃修耀邀往幫捕值黃尊山先行回至門外見各盜投贓走出復轉身奔逃時係黑夜該犯看視不清誤疑黃尊山為盜戕傷斃命查例內並無因幫捕賊盜誤傷事主身死作何治罪明文惟時在昏夜勢出倉卒寔為耳目思慮所不能到自應比例問擬黃尊模應比照捕役挾賊誤殺無干之人照過失殺人律追銀一十二兩四錢二分給付死者之家等語查例載疑賊致斃人命之案悉照謀故鬥殺共毆

語查例載疑賊致斃人命之案悉照謀故鬥殺共毆

各本律例定擬又捕役拏賊與賊格鬥而誤殺無干
之人者仍照過失殺人律追銀給付死者之家各等
語詳核例意蓋捕役與賊格鬥其設心註意專在捕
賊與逞兇鬥殺不同如將無干旁人期致斃寔係
耳目不及思慮不到故得以過失論若疑賊致斃人
命則所斃者即其所疑之人並非耳目不及思慮不
到故應照謀故鬥殺各本律例擬斷兩例各不相蒙
不容牽混援引今黃尊模於黑夜誤疑黃尊山為盜
刀戕殞命自應按照疑賊誤殺本例科斷該撫置本

例於不問而將捕役拏賊誤殺無干之人例文節去與
賊格鬥等字強行援引將該犯照過失殺人律追銀
收贖係屬錯誤臣部碍難率覆應令該撫另行按例
妥擬到日再議再該撫疏稱姜有元云云

韓

安徽司奉

大人交核安徽省題趙轉毆傷胞兄趙六三致令自盡一案職等查律載卑幼逼期親尊長致死者絞監候註云審犯人必有可畏之威又弟妹毆傷兄姊者杖一百徒三年各等語此案趙轉因胞兄趙六三見伊借錢買脩祭物祭掃祖塋當以活人尚沒飯吃何能顧及死鬼之言詈罵該犯答以輕祖重錢趙六三即拳毆該犯左太陽揪住髮辮揪按拾柴致傷左肩甲該犯情急奪柴嚇打適傷趙六三偏左趙六三

以先自理曲散言吃虧不能向人投訴該犯見兄氣

年峰鑑

忿向其磕頭服禮趙六三悔忿交迫投繯殞命該省
審將該犯依逼迫期親尊長自盡絞律上量減擬流
查該犯借錢祭掃其理甚正死者始而詈罵繼而揪
按柴毆該犯受傷情急晝脫奪柴嚇毆一傷旋即磕
頭服禮並無逼迫情狀死者因理曲受虧悔忿輕生
並非由該犯毆打所致未便援引逼迫期親尊長自
盡之條在九人祇科傷罪惟該犯所毆係伊期親尊
長又已自盡較致傷而未自盡者稍重檢查歷年逼

長又已自盡較毆傷而来自盡者稍重檢查歷年逼

迫期親尊長致令自盡擬絞成案均寔有逼迫兇惡
情狀其情節最輕者亦係衅由兇犯而起死由兇犯
所致故照律擬絞與此案情節迥不相侔亦無比例
量減成案惟查五十一年直隸周三狗並元年廣西
鄧孔元二案情節相仿周三狗案釁明與逼迫尊長
致死之例不符仍依毆傷期親尊屬本律擬流鄧孔
元案因毆傷期親尊長本罪止應滿徒酌加一等擬
流似尚允協此案似可仿照鄧孔元案辦理謹將檢
出成案並另擬稿尾呈

開
恭
候

約
定

查律載卑幼逼期親尊長致死者絞監候註云審
犯人必有可畏之威人弟妹毆傷兄弟者杖一百走三
年各等語此案趙轉因胞兄趙六三見伊借錢買脩
祭禮祭掃祖坟當以活人尚沒飯吃何能顧及死鬼
之言詈罵該犯答以輕祖重錢趙六三即拳毆該犯
左太陽揪住髮辮揪按拾柴毆傷左肩甲該犯情急

左太陽揪住髮辨揪按拾柴毆傷左肩甲該犯情急

奪柴嚇打適傷趙六三偏左趙六三以先自理曲散
言吃虧不能向人投訴該犯見兄氣忿向其磕頭服
禮趙六三悔恨交迫投繯殞命該撫審將趙轉照逼
迫期親尊長自盡律量減一等擬以杖一百流三千
里等因具題臣等查趙轉借錢祭掃其理甚正乃趙
六三始而詈罵繼而揪按柴毆趙轉受傷情急奮脫
奪柴嚇毆一傷旋即磕頭服禮並無逼迫情狀趙六
三因理曲受虧悔忿輕生並非由趙轉毆打所致該
犯既無可畏之威未便援引逼迫自盡尊長之律惟

該犯所毆之期親尊長究已自盡又未便僅科傷罪
自應衡情定擬趙轉一犯應改依毆傷胞兄律於徒
三年本罪上加一等杖一百流二千里到配折責安
置

四川司奉

彭

大人交核四川司題覆田敬貴聽從田瑞彩活埋總
麻堂姪之婦賈氏斃命照凡人謀殺加功絞候一案
奉

批

定例尊長謀殺卑幼為從加功之尊長各按服制依
為首之罪減一等此案田敬貴一犯係死者田賈氏
總麻尊長似應減等擬流該督仍照凡人謀殺加功
擬絞是否錯誤交館查核又奉

韓

大人交核奉天司題覆吉林將軍咨全氏聽從姦夫

批

問上文加功謀勒夫兄梁榮身死依謀殺總麻以上尊長不問首從斬決一案奉

謹
嶧
錄

同四川司案一併連核等因職等查律載妻毆夫之期親以下總麻以上尊長與夫毆同罪至死者各斬監候不言故殺者亦止於斬若期親以下總麻以上尊長毆傷卑幼之婦減凡人一等至死者絞監候故殺亦絞等語所謂與夫毆同罪者係指毆傷而言若至死即期功尊長亦不得與夫同科立決之罪故罪又云至死斬監候故殺亦止於斬所有卑幼之婦者

又云至死斬監候故殺亦止於斬所有卑幼之婦者

係指被毆者之夫係有服尊長而言祇論卑幼之有無服制不問其婦之是否服盡即卑幼服屬總麻而其婦已無服亦統括其內此二項律內均不言及謀殺查謀重於故在凡人則謀故同科若婦於夫之尊長毆故既均止斬候如謀殺與毆故同則與凡人無異攷輯註云如夫妻謀殺伯叔夫照期親尊長已殺者凌遲妻照總麻以上尊長已殺者斬此論甚的今奉天司金氏一案係聽從姦夫謀勒夫兄梁榮身死梁榮係伊夫期親服兄於該氏服屬小功該省將該

氏照謀殺總麻以上尊長律不分首從擬以立決核
與律意及輯註相符似可照覆至有服尊長於卑幼
之婦故殺與毆殺同一絞候所以別於凡人同于卑
幼未便以謀殺之案遽同凡論自當依謀殺卑幼律
如故殺法科之為首者絞為從者依名例減等擬徒
今四川司田敬貴一案係聽從田瑞彩活埋總麻堂
姪之婦賈氏身死賈氏於該犯雖無服制究係總麻
卑幼之婦該省將該犯依凡人謀殺加功之律擬以
絞候殊屬錯誤雖遍查無成案可循然揆之情理叅

絞候殊屬錯誤雖遍查無成案可循然揆之情理忝

鈞

之他律似不應漫無區別應請議駁是否如斯恭候
定後交各該司遵辦

草
坪
館

貴州司奉

韓

大人交核貴州司題姚仕俊毆傷胞伯姚廣虞身死一案職等查例載人命案內如父母被人毆打寔係事在危急其子救護情切因而毆死人者於疏內聲明分別減等援例兩請候

旨定

奪又毆死本宗期功尊長罪干斬決之案核其所犯情節寔可矜憫者夾簽聲明恭候

欽定

各等語此案姚仕俊因胞伯姚廣虞欠伊父姚翠虞羊價銀兩未償姚翠虞向索爭鬭伊兄姚仕學攏勸

被姚廣虞刀戕右肘等處跌倒姚翠虞向其奪刀
亦被姚廣虞刀戕右肋倒地喊救姚廣虞復刀戕姚
翠虞右脇該犯聞喊取棒走出見父兄受傷在姚
廣虞猶彎身拾刀向伊父欲戕該犯情切救護用棒
向毆適傷其腦後殞命伊父姚翠虞旋亦因傷身死
查該犯見父受傷倒地情切救護確係事在危急且
伊父已因傷斃命該犯寔可矜憫此等情節在九人
例應隨本教請減流係服制攸關之案自應照情可
矜之例矣夾簽教請謹具說帖呈

矜之例矣夾簽嚴請謹具說帖呈

閱

恭候

鈞

定後交司遵辦

貴州司

姚仕俊

卷之四

華
峰
館

韓

河南司奉

大人交核河南省題陳煥章聽從在逃之韓長夥搶
蔡陸氏嫁賣劉松齋知情說合一案職等查略人畧
賣人律載買者知情與犯人同罪牙保各減犯人一
等又與犯人同罪句下註云至死減一等等語所稱
與犯人同罪者謂與罪不至死之正犯同罪也罪若
正犯罪應至死則買主得減一等所稱牙保各減凡
人一等者謂減正犯罪一等非於買主罪上減等也
此無論正犯之罪是否至死均止減一等故有正犯

罪應死而知情買主減等擬流牙保照律減等亦應擬
流者此乃買主之罪律不得同入於死故由重減輕
而牙保之罪不能因此再減其不嫌於與買主同罪
者猶之嫁娶違律事由主婚為首男女為從得減一
等若違律嫁娶之罪至死者主婚人雖為首不入於
死得並減一等男女為從亦擬滿流不得于主婚人
流罪上再減是也此案劉松齋明知陸氏係韓長等
強搶之婦苟分財禮代為說賣與畧誘案内牙保無
異該省既引畧賣人牙保減犯人罪一等律自應於

首犯韓長應得死罪上減一等擬流乃將該犯於知情故買流罪上減等擬徒寔屬錯誤該司援律改擬滿流洵屬允協應請照辦至陳煥章一犯聽從在逃之韓長娶衆七人夥搶素無瓜葛之蔡陸氏已成該省依夥搶婦女已成為從例絞候並將同謀未經同行事後亦未分贓之陳三左振棋二犯比照共謀為盜臨時因別故不行事後不分贓例杖一百徒三年均屬允當並請照覆恭候

鈞
定

註
畢
卷

韓

雲南司奉

大人交核雲南省咨小平等迭次挖塚鑿棺首從四次之多例無明文咨請部示等因職等查例載發塚見棺鋸縫鑿孔抽取衣物首飾並未顯露屍身者發近邊充軍為從減一等等語是發塚之案重在開棺見屍至鋸縫鑿孔究未顯露屍身故例內止援照發塚見棺槨條按首從定擬並非分別次數治罪今此案小平為首鑿孔五次又為從鑿窆未埋屍棺一次候兆奇為首一次為從四次又為首鑿窆未埋屍

棺一次是該犯等恣意鑿竊寔屬肆無顧忌核核積
匪猶賊為害地方無異惟例內既無明文似應比照
另立例條以示區別而昭懲創職等擬請嗣後凡發
塚見棺鋸縫鑿孔除分別首從定擬二次從一科斷
外其犯至三次及三次以上並盜未殞未埋屍樞鋸
縫鑿孔者各照首從按計次數加等定罪以其究未
見屍故多次加不入於死以其情均積猾故首從得
同擬以軍自總徒而近邊而邊遠而烟瘴仍科以發
塚條應得之罪名由三次而四次而六次而八次旁

閱

鈞

恭于竊盜門已區之等級謹酌量定擬另繕片稿呈
其該司現審趙十等發塚鑿孔竊取首飾一案查該
犯係一次為首一次為從應照例從其重者論發近
邊充軍該司所擬罪名尚不致歧誤是否恭候
定後交司遵辦

100

100

韓

山東司奉

大人交核山東撫題夥盜牛興旺行刦被獲脫逃一
案職等查免死發遣強盜到配後脫逃與未經發遣
時越獄脫逃均例應即行正法若被獲到官尚未擬
結定罪於解審時中途脫逃按律只應加徒罪二等
不加入於死至法所難宥情有可原二項例內載明
如轉糾党羽或入室搜賍或架押事主送路或到案
誣扳良民或行刦已至二次或濱海沿江行刦客船
俱以法所難宥敬請斬決其止在外瞭望接賍或被

脅隨行或行劫一次均以情有可原免死發遣並無
因被獲脫逃即照法所難宥正法之文今牛興旺一
犯聽從行劫一次在外瞭望應照情有可原例免死
發遣該犯於被獲到官審解時乘間脫逃尚未發遣
到配又非脫監越獄與例應即行正法者不同按律
只應於本罪上加逃罪二等該犯罪已止遣無可復
加仍應依情有可原本例擬遣該撫將該犯即照法
所難宥例正法與例未符自應駁改惟原稿尚欠明
晰謹擬改數句粘簽呈

閱 鈞

恭候
定

山東司

牛興旺

年
晦
定

直隸司奉

文

大人交核直隸司題覆朱運達疑賊誤毆趙明身死一案又職等原核之湖廣司題覆黃尊模疑盜誤傷黃尊山身死一案奉

批

此案似可與誤疑賊人致斃事主一案參看交館再核等因職等查例載捕役拏賊與賊格鬥而誤殺無干之人者仍照過失殺人律追銀給付死者之家又疑賊致斃人命之案悉照謀故鬥殺共毆各本律例定擬各等語此二條跡近似而寔不同與賊格鬥而

誤殺無干之人者必係賊人不服拘拏逞兇拒毆勢
在危急不惟少縱即逝且恐稍示弱焉即斃於賊之
手其心與力專注于是賊不暇旁思則顧如彼時將
賊格斃即應照格殺例勿論因無誤斃無干之人故
得照過失殺收贖此例重在與賊格鬥四字至疑賊
誤殺之案有明見有賊直前追捕不啻換影移形遂
至誤斃旁人者亦有被竊尋捕尚未見有真賊或猝
遇一人心疑是賊因而誤斃者雖皆疑賊是真捕毆
亦在倉卒而既無被拒格鬥之情即非事在危急如

亦在倉卒而既無祓扞格鬥之情即非事在危急如
所殺果是真賊而應分別是否登時捕者人數多寡
賊犯已未得財科以絞候城旦焉有被殺係無干旁
人反予收贖之理故仍照謀故鬥殺共毆各本律科
斷前次纂例時即係因新疆展其花疑賊誤斃朱義
一案駁改通行因而纂為定例倘捕役疑賊誤殺旁
人無格鬥情事亦應照例擬抵設事主及應捕人等
與賊格鬥誤殺旁人亦可照過失殺收贖總以有格
鬥情節定罪名並不以是否捕後分差等檢查歷年
成案似此疑賊誤殺旁人並無與賊鬥格情事者俱

係援照本律定擬斬絞從無照過失殺收贖之案至
因賊疑而拷門甚或捆縛毆打者其始是疑而殺已
非誤此等案件比年有之俱係直引鬥毆共毆謀故
各本律其情與疑賊誤殺不同而引例罪名則一猶
之鬥毆殺人者依鬥殺律謀故殺者依謀故律即因
鬥毆而誤殺旁人亦以鬥殺論謀故殺而誤殺旁人
亦以故殺論是也再過失殺律內耳目所不及思慮
所不到二句其辨甚微必係初無與人鬥毆之意而
偶致殺人者方以耳目所不及思慮所不到論即捕

後與賊格鬥誤殺旁人得照過失殺收贖者亦以其
事甚急其情可原不應再加之罪故照此例收贖非
謂此等誤殺之案即係耳目所不及思慮所不到也
若謂誤殺即為耳目所不及思慮所不到則因鬥毆
而誤殺旁人亦與過失殺近似而定律仍以鬥殺論
不得照過失殺收贖是誤殺之與過失似一而寔二
則疑賊誤殺之與因格鬥而誤殺亦似一而寔二則
疑誤殺之與因格鬥而誤殺亦似一而寔二可類推
也茲直隸司朱運達一案係因聽聞犬吠慮恐有賊

携械出擊適見死者在園內蹲地出恭疑賊向毆致
斃該督依疑賊誤殺仍照鬥殺本律定擬例擬以絞候
與例相符又湖廣司黃尊模一案係因死者之家被
盜經其胞叔邀伊幫捕該犯因見死者遇盜走出轉
身奔跑誤疑為盜刀戕致斃查疑盜誤殺與疑賊誤
殺同疑事主為賊盜與疑旁人為賊盜其誤亦同該
撫率照捕役與賊格鬥誤殺無干之人例照過失殺
收贖而又節刪與賊格鬥四字牽強比附與例未符
是以職等前次說帖請改依疑賊誤殺仍照鬥殺本

閱 鈞

檢

律定擬例絞候此二案疑誤之情同而各該省擬罪
互異應請將直隸省朱運達一案照覆湖北省黃尊
模一案仍照職等原擬駁改以符定例謹查開疑賊
誤殺成案呈
是否如斯恭候
定後交各該司遵辦

查嘉慶十一年湖北省題孫才主使毆傷周朋超身
死一案緣孫才因周朋超竊得陳潮高牛隻跑走該

直隸司

朱運達

犯攔住盤詰適陳潮高追至認明周朋超求免送究
該犯因村隣祝方大家被竊托查贓賊心疑亦係周
朋超竊去向問不認嚇以投保送官周朋超詈罵該
犯氣忿令工人取繩縛其兩手大指吊於樹上追問
周朋超益肆辱罵該犯唱令將其毆傷殞命該省將
該犯依威力主使人毆打致死以主使之人為首律
擬絞監候本部題覆在案

一
十九年山東省題于好謀主使毆傷陳振松身死一
案緣于好謀因携錢赴集被竊訪尋無着適陳振松

赴彼典衣在街閑悞該犯見其形跡可疑上前盤問
陳振松語言含混該犯疑為竊匪囑令于九溫幫同
拉至社廟用繩綁縛樹上追問窩家陳振松叢稱郎
從曾係其親戚並非賊人該犯疑其狡賴喝令共毆
並稱打死有伊償命于九溫等用石塊木棍將其乱
毆殞命該省將該犯依威力主使人毆打致死以主
使之人為首律擬絞監候本部題覆在案

一
十九年湖南省題鄧廷選等共毆曾谷盛身死一案
緣鄧廷選因染患瘋病之曾谷盛夤夜至伊族人鄧

得王牛欄邊蹲立鄧得玉之子聽聞犬吠出捕斃見
疑係竊賊教喊捉獲適隣人劉繼五等聞聲出看查
問姓名不答各拾棍將其毆傷該犯見曾谷盛終不
言語疑係積慣裝作癡呆令鄧三傑等將其兩手合
抱屋柱用繩連柱捆縛該犯拾石將其毆傷殞命該
省將該犯依威力制縛人于私家拷打致死律擬絞
監候本部題覆在案

一
十九年河南省題康祿毆傷李成身死一案緣康祿
因李成曾竊隣人白菜又竊伊柴火均經撞見夫求

寢息嗣該犯堂弟康周家被賊竊去衣服等物康周
驚喊賊人逃走將贓遺棄李成屋後該犯接應携牛
鞭協同追至李成屋後將原贓拾獲適李成在屋後
出恭該犯瞥見疑係李成所竊扭住追問餘贓李成
分辯該犯等不信李成混罵該犯氣忿用繩縛其兩
手腕吊於樹上該犯用牛鞭將其毆傷殞命該省將
該犯依共毆人致死下手致命傷重者絞律擬絞監
候本部題覆在案

十九年江蘇省題徐存思等共毆徐宜南身死一案

緣徐存思因同姓不宗之徐宜南於夜深時肩負魚網前往官河捕魚路過端姓魚塘該犯同兄徐存德在彼有視因黑暗中看視不清疑係竊賊同聲喊捉徐宜南斥伊瞎眼該犯等剖辯徐宜南混罵趕毆徐存德用刀砍傷其左膝等處該犯接刀將其砍傷殞命該省將該犯依共毆人致死下手傷重者絞律擬絞監候本部題覆在案

檢

查嘉慶十一年四川省題馮固望戳傷陳何氏身死

一 案緣馮固望因猪雞被竊連夜防捕適何氏偕夫
陳祖虞夤夜搬家何氏先行路過該犯門外該犯聽
聞犬吠順携防夜矛刀出視黑形中見有一人疑為
竊賊用刀將其戳傷殞命該省將該犯依門殺律擬
絞監候本部題覆在案

一 十三年四川省題張應芳誤戳張二娃身死一案緣
張應芳因乞丐張二娃在伊籬外歇宿該犯聽聞犬
吠疑有竊賊拏刀出捕適張二娃起身出恭黑暗中
該犯見有人影疑係賊人用刀將其戳傷殞命該省

將該犯依門殺律擬絞監候本部題覆在案

年
牌
館

十三年雲南省題吳士鴻戕傷王正遠身死一案緣
吳士鴻因投宿王正遠店內將裝銀裕連墊頭而睡
王正遠起身出恭在伊床頭走過該犯聞响驚醒因
自將裕連碰落摸取不獲暗中見有人影疑為賊人
摸刀向戕致傷王正遠耳竅王正遠聲喊吳士鴻始
知誤戕王正遠即於次日殞命該省將該犯依門殺
律擬絞監候經本部題覆在案

一
十五年湖南省題陳必良等致傷曾惟美身死一案

緣陳必良等因公山柴草被竊赴山尋防適曾惟美
因天晚自外趕回路過山邊經陳必良等巡見疑賊
喊捉曾惟美並未回答急走失跌以致陳必良等愈
疑是賊趕毆致死該省將該犯依鬥殺律擬絞監候
經本部題覆在案

十五年湖北省題李世祿毆傷譚名山身死一崇緣
李世祿因在禾場看守有不認識之譚名山瘋發寅
夜走至該犯喝問譚名山跑走該犯疑係賊匪順拾
磚塊將其擲傷殞命該省將該犯依鬥殺律擬絞監

一
候經本部題覆在案

生
學
館

一
十六年烏魯木齊都統奏其花疑賊扎傷朱義身
死一案緣展其花因地內蒴麻成熟收割成捆堆放
地內在地宿守更餘時適朱義因找牛走至該犯聽
聞胡稽响動黑影中見有一人走至心疑竊賊用刀
將其扎傷殞命該都統將該犯依門殺律量減擬流
經本部改依門殺律絞候奏覆在案

一
十八年湖北省題田畛毆傷馬士起身死一案緣田
畛因馬士起夜間聽聞犬吠恐有賊匪出外捕拏走

至該犯住房內適該犯亦因犬吠携木連枷開門出
捕黑暗中見一人影疑賊苗竄忙不及問即用連枷
向毆斃命該省將該犯依門殺律擬絞監候經本部
題覆在案

一
十八年湖北省題張得恢誤傷張得運身死一案緣
張得恢因與總麻服弟張得運各在地搭棚看守棉
花二更時該犯聽聞有人摘花聲响携刀喊捕時值
下雨天色黑暗該犯望見有人由田塍跑走尾追過
塍張得運亦因聞喊持棍追毆幫捕甫至塍下該犯

未經看出面貌疑係賊夥拒捕一時倉忙不及喝問
即用刀將其戳傷殞命該省將該犯依本宗尊長毆
總麻卑幼至死律擬絞監候經本部題覆在案

一
二十年陝西省題姚風恒姚讓恒誤戳彭明魁陳明
照身死一案緣姚風恒等與彭明魁等隣近居住該
犯等因聞隣人何玉南家被賊撞門入室將何玉南
捆縛進房搶刦糧食衣物何玉南掙開縛繩出外喊
救彭明魁等聞喊先至其家賊俱逃散彭明魁等詢
知賊由竹林逃走前往追捕適值該犯等聞喊各持

一
矛刀隨後趨至是夜天陰黑暗見有人影誤疑彭明
魁等為賊各用予刀向戳致傷彭明魁等殞命該省
將該犯等均依鬥殺律擬絞監候經本部題覆在案
二十年四川省題徐步捷等誤戳焦文連身死一案
緣徐步捷因焦文連趕場夤夜轉回路過該犯雇主
徐步行地內出恭徐步行聽聞犬吠喊同該犯出視
星光下見人由菜地走出疑係竊賊徐步行先用棍
毆該犯隨後用刀將其戳傷殞命該省將該犯依共
毆人致死下手致命傷重律擬絞監候經本部題覆

在案

二十年四川省題李谷權誤戕袁成化身死一案緣
李谷權與袁成化同在李中霄家傭工隔院住宿四
更時李中霄家被賊入院行竊雞鶩李中霄驚覺喊
捕賊人携贓而遁袁成化聞喊先起追捕恐賊尚在
院內潛立門外堵拏李谷權亦應聞喊順携防夜尖
刀隨後趕至門首黑暗中見一人影誤疑是賊慮恐
拒捕即用刀將其連戕殞命該省將該犯依門殺律
擬絞監候經本部題覆在案

旨改

一
二十年四川省題衛作盛疑賊誤戮胞兄衛作良身
死一案緣衛作盛於三更時聽聞犬吠慮有竊盜順
取防夜矛刀從屋側小巷走出查捕適值衛作良亦
執木棍潛往捕賊因巷道窄狹維時又值風雨交加
衛作盛於黑暗中見一人迎面走至疑係竊賊即用
手內矛刀上前向戮適傷殞命將該犯依毆死胞兄
律擬斬立決奉
斬監候在案

檢

查嘉慶十五年四川省題滕樂聰疑賊銃傷董天仕
身死一案緣滕樂聰因董天仕趕場夜歸在伊麦地
內出恭聽聞犬吠心疑有賊順携鉄銃出捕星光下
見有一人蹲地該犯誤認有賊用銃點放致傷殞命
該省將該犯比照因爭鬧擅將竹銃施放殺人以故
殺論故殺者斬律擬斬監候本部題覆在案

一
十七年奉天省題孫仲年疑賊鎗傷張甫身死一案
緣孫仲年因與張甫均在劉成澤店內傭工夜間有
賊進店竊猪該犯驚覺携帶烏鎗喚同張甫等一共

四人追捉張甫憶及忘闕角門當即回店掩門復行
踵追黑暗中與該犯等相值該犯看視不真疑其為
賊立住瞭望張甫望有四五人走至亦疑是賊恐獨
力難支回身逃走數步又轉身看望該犯見其逃走
益信為賊即將烏鎗點放致傷殞命該省將該犯照
鬥殺律擬絞本部改照因爭鬥擅將烏鎗施放殺人
以故殺論故殺者斬律擬斬監候題覆在案

十八年河南省題李海疑賊放銃誤傷劉杰身死一
案緣李海因與劉杰隣居該犯連夜被竊裝就鉄銃

防守三更時該犯聽聞犬吠至屋後巡查取鉄銃啟
門出捕時值劉杰亦因犬吠至屋後巡查該犯瞥見
黑影旋係賊匪即將鉄銃點放唬嚇致傷殞命該省
將該犯照鬥殺律擬絞本部改照因爭鬥擅將鳥銃
施放殺人以故殺論故殺者斬律擬斬監候題覆在
案

直隸司奉

韓

大人交核察哈爾都統咨遣軍流徒杖監候待贖之
犯限滿發遣釋放所扣年限是自定案之日起限押
俟奉准部覆之日起限咨請部示等因職等查嘉慶
八年據河南巡撫咨部請示經本部議令以准咨定
案之日為始等因通行直省遵辦在案應請咨覆該
都統遵照本部前次通行辦理並再通行各直省嗣
後無論題奏咨結總以接准部咨之日起限免致歧
異謹擬片稿呈

閱恭候

鈞定後交司遵辦

查嘉慶八年河南巡撫馬 以監候待質人犯分別
罪名定以年限應否以准咨定案之日起限或以獲
案進監之日起限聲明扣滿咨請部示本部以此項
人犯原因正犯無獲恐其狡詞推卸避重就輕擬以
監候待質當獲犯進監之日視犯之應否候質尚在
未確即審訊時正犯之能否就獲亦所未定自不便

以未經結案之時即准扣限應以准咨定案之日為始等因通行在案是監候待質人犯分別罪名按限查辦總以接准部覆之日起限本部前次通行業經明晰自可遵循辦理相應咨覆該都統並再通行直省各督撫將軍嗣後遣軍流徒杖罪人犯監候待質之案無論題奏咨結統以接准部覆之日起限按其原定罪名照例扣滿年限分別發配保釋以昭限制而免歧異可也

子
明
經

崇

奉天司奉

大人交核黑龍江將軍咨濟住兒偷竊柴草勒死事
主幅明身死應否照竊盜臨時拒殺事主擬斬立決
抑照罪人拒捕殺人問擬斬候咨請部示等因一案
職等查律載盜山野柴草木石之案准竊盜論免刺
註云有拒捕依罪人拒捕等語此條另載盜田野谷
麥門內律註既云依罪人拒捕則無論是否盜所臨
時均應依罪人殺所捕人律罪止斬候以非寔犯竊
盜故不與竊盜同科拒捕之罪若寔犯竊盜臨時盜

所拒殺事主擬斬立決被追首脫拒殺事主擬斬監
候之例載在強盜門內罪有差等故例亦各從其類
至拒捕謀故殺事主首從各犯本部曾於十二年議
覆廣東省周亞敬案內數明嗣後凡遇搶竊得財致
死事主之案悉照拒捕殺人本例辦理等因通行遵
辦在案此案齊佳兒因偷竊幅明割存柴草被幅明
瞥見斥罵按地跪壓該犯掙不脫身情急將其揪住
倒地復因被毆懷恨起意故殺斃命是該犯係因竊
取柴草拒殺事主自應照例依罪人拒捕論未便與

鈞

定

寔犯竊盜臨時拒殺事主之案同擬斬決該司議令
依罪人拒捕殺人本律問擬斬候與律相符應請照
辦恭候

奉天司

濟任免

牛
馬
遊

江蘇司奉

崇

大人交核江蘇省咨韓汾誘拐桑張氏謀娶為妾一
案職等查律載豪強之人強奪良家妻女姦占為妻
妾者絞監候又官司故出入人罪全入者以全罪論
至死罪者坐以死罪若因未決律聽減一等各等語
此案韓汾先與桑張氏通姦張氏之母汴氏知情縱
容嗣張氏復過其門該犯瞥見邀進同吃酒飯言欲
娶氏為妻張氏荅以未能自主該氏隨接汴氏至家
講定財禮即於是晚留住張氏姦宿是張氏既先與

人通姦焉得謂為良人且張氏既回住母家律准由
母家主婚改嫁該犯之收留張氏欲娶為妾係邀氏
母面商即其所稱分給桑家財禮錢文斷無不依之
言亦係央懇卞氏希苟允娶並無恃強霸占情狀律
應止科姦罪未便牽引強奪姦占之律比附定讞再
由死罪重減之案例應專本具題亦未便據咨率結
職等原閱原咨該犯於供認前情之後復遣抱告赴
省在臬司衙門呈控州書陳治安挾嫌搆串誣捏並
倚仗該州之子通熟串詞慫恿該州將伊刑逼囚禁

閱 鈞

勒供等情如該犯所控屬寔則陳治安挾嫌誣串架
憑本官勒逼勒故入人繯首之罪應以全罪論因未
決放按律應聽減等擬流今既據該省盾訊明確陳
治安並無挾嫌誣指該州亦無刑逼勒姦情事則該
犯之憑空誣告自應依律反坐韓汾一犯應改依誣
良人滿流罪止杖一百流三千里情罪似較允協亦
可毋庸駁令具題謹擬稿尾呈

是否如斯恭候

定後交司遵辦

查律載誣告人流罪加所誣罪三等罪止杖一百流
三千里又官司故入人罪者以全罪論至死者坐以
死罪若因未決放聽減一等又強奪良家妻女姦占
為妻妾者絞監候各等語此案韓汾因與桑張氏母
家係屬街隣張氏孀守無依經氏翁桑致明送回母
家該犯曾與張氏通姦氏母卞氏知情縱容嗣張氏
路過該犯門首該犯欲留飲酒言欲娶氏為妾張氏
答以未能自主須其母商量該犯隨接卞氏至家講
定財禮即於是夜留住張氏姦宿是張氏既先與人

通姦焉得謂為良婦且張氏既經送回母家過度即
准由母家主婚改嫁該犯之收留張氏欲娶為妾係
邀氏母面商即其所稱分給桑家財禮錢文斷無不
依之言亦係央懇卞氏希旨允娶並無恃強霸占情
狀律應止科姦罪逮該犯於供認前情之後復遣抱
告赴該省臬司衙門呈控州書陳治安挾嫌搆串誣
捏並倚仗該州之子通熟串詞慫恿該州將伊刑逼
囚禁勒供強佔等情如該犯所控屬寔則陳治安挾
嫌誣串架慫並本官刑逼勒供故入人縲首之罪應

以全罪論因未決放按律應聽減等擬流既據該省
員訊明確陳治安並無挾嫌誣指該州亦無刑逼勒
供情事則該犯之憑空誣告白應依律反坐該省將
該犯比照強奪良家妻女姦占為妾絞監候律上量
減擬流舍誣告專條而援引別條比附罪名雖無出
入引例殊屬錯誤案經該省研訊確鑿罪有正條自
應即據供看情節按律更正韓汾一犯應改依誣告
人流罪罪止杖一百流三千里律杖一百流三千里
餘均應如該督所咨完結仍令照律彙題可也